

ИК ГАЗРИН ЗҮРКН

Көгшн өвгн нанд  
 Келсн нәрн үгмүд.  
 Өвгнә үгәр танд  
 Өргдж нерәдсн шүлгүд...  
 — Москва  
 ик газр,  
 Мана зүрки  
 тенд болдм.  
 Көгшмб,  
 хотна күмб, —  
 Көөсн — күцсм  
 энъкр үрдм,  
 Эцкм,  
 эврә бийм,  
 Ачнр — джичнрм,  
 Амулнъ  
 сәәхн джиргълм —  
 Алтн Москван  
 бийднъ бәәдм.  
 Хальмг күмн улсас

Хату  
 баатр үрдүдт —  
 Көгшн  
 бичкн болгънас  
 Келдж  
 менд күрг!  
 Мөнък  
 мана Ленинлә  
 Мөн  
 танъгърг йовсн,  
 Итклтә  
 көгшн гвардьд  
 Ицгтә  
 ханлт өрг...  
 Өвгн үгән төгсгв.  
 Өргәд иигдж дуулв:  
 — Москван халун зүрки  
 Мини теегт бульглна!